

INUIT ATAQATIGIIT

Inatsisartuni



UKA 2018/121 & 159

Ulloq 15.10.18

Mimi Karlsen

Taaguutunik akuersissuteqartarnermi Oqaasiliortut sulinerat nalilersuiffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq inaarsarneqassaaq UKA2019 tikitsinnagu, kalaallisut taaguusersuinerup ineriartortinneqarnissaanut suliat annertusarnissaannut innersuussutunik aamma imaqartinneqassaaq.

(Siumut Inatsisartunut ilaasortaataitai)

AAMMA

Oqaasiliortut peqatigalugit inatsisilerinermi kalaallisut oqaatsinik ineriartortitsinermik akuersinissamillu suliaqarnermik Naalakkersuisut salliutsitsinissaat pillugu Inatsisartuni aalajangiiffigisassatut siunnersuut. Taamattaaq Naalakkersuisut Oqaasiliortunik oqaloqateqarnermik kingorna UPA2019 sioqqullugu sulinissamut piffissamut pilersaarummik saqqummiussinissaannik peqquneqarput.

(Inuit Ataqatigiit) Inatsisartuni ilaasortaataitai)

Inuit Ataqatigiit oqaatsitta atorluarneqarnissaat ineriartortilluarneqarnissaallu pingaartipparput, oqaluuserisassanillu ukuningga siunnersuuteqartut qutsavigiumallugit.

Siunnersuuteqartut isumaqatigilluinnarpagut oqaatsitta ineriartornerini oqaatsinik nutaanik akuerisanik peqarnerusariaqaratta. Oqaatsivut inuunitsinnut, piniakkanut, pinngortitamut allanullu inuunitsinnut misigissutsinut tunngasunut amigaateqanngillat. Oqaatsitsinnili amigaatigisavut tassaapput allamiut taaguutaat, teknologi-mut, data-nut allanulluunniit tunngasut. Tusaaneqarsinnaasutuut oqaatsivut taaguutunik allanik akorneqaleraangamik paasiuminaallisarpud. Taamaammat taaguutunik akuerisanik amerlisaaneqarnissaq isumaqatigilluinnarpapud.

Oqaatsitta ineriartornissaat pingaaruteqarluinnartuuvoq. Oqaatsivut amigartutut ittarput taaguutunik allanik akuuleraangatsigit. Oqaatsivut atortualerutsigit ineriartortilluassavagut. Oqaatsit atorluarneqarnerisigit atuakkiortut, taalliortut oqaluttullu ineriartortitsisinnaanerussapud.

Inuit nunaanni oqaatsitsinnik kisiartaavugut atuilluartut ineriartortitsisullu, tamannalu pisussaaffiliivoq. Pisussaavugut oqaatsitta ineriartornerini atorluarneqarnerinilu naggueqatitsinnut maligassiuillutalu aamma taakkuninnga ineriartortitsissalluta.

Oqaasiliorneq, taaguutinik akuersissuteqarneq Oqaasileriffimmi ingerlajuartariaqarpoq. Suliat taakkununnga tunngasut uninngasimassappata oqaatsitsinnik ineriartortitsinissamut kinguarsaataavoq. Pingaartinneqarnerusariaqarmat suut peqqutaanersut qulaajarneqartariaqarput, qulaajarneqarpata ajornartorsiummut iluarsisinnaaniassagatta, immaqa aningaasaliinerunikkut allatulluunniit.

Naalakkersuisummi akissutiminni oqaatigaat Oqaasiliortut suliassa qarfinni taaguusersuutinik suliannik nalilersuinermik suliartoqarsimanngitsoq, nalilerlugulu piffissanngortoq misissussallugu qanoq aqqissuussinikkut suliassa qarfinni taaguusersuutit pillugit suliat nukittorsarneqarsinnaanersut.

Immikkoortoq 121-mi siunnersuutigineqarpoq oqaasiliortut nalilersuiffigeqqullugit, naliliinerlu innersuussutitalerlugu 2019 saqqummiuteqquneqarluni. Inuit Ataqtigiit isumaqarpugut oqaasiliorneq oqaatsinillu akuersinissaq pingaaruteqarmat nukingiuuttariaqaripput. Taamaammallu nalilersuiinnarani oqaasiliornerit akuersisarnerillu sularineqarnissaat Naalakkersuisut piviusunngortissagaat anguniassagipput. Tamanna ataatsimiitsitaliami allanngorsinnaanersoq misissoqquarput.

Siunnersuutip aappaani 159-mi pineqarpoq Naalakkersuisut oqaasiliornermik salliutitsinissaat, tamannalu isumaqatigaarput.

Ataatsimut isigalugu Naalakkersuisut oqaasiliornermik taaguusersuinermilu suliagarnerup pingaartitsinermikkut oqaasiliorlutik taaguusersuinerup ingerlanneqarneranik piviusunngortitseqqullugit suliagallaquagut.

Taama oqaaseqarluta siunnersuutit ataatsimiitsitaliamut ingerlatippagut, ataatsimiitsitaliarlu taasissutissamik allannguisinnaaneranik siunnersuuteqaqqullugu.